

legimus, quod milites, qui Christum spineo serto coronaverant, qui eum ad crucifigendum duxerant, qui ejus vestimenta diviserant, postmodum sedentes servabant eum; ut legitur Matth. 27. 36. Ad quæ Cornelius citatus scribit: *Milites cum Iudeis servabant Iesum, ne quis e discipulis, vel sautoribus, eum e cruce depone-ret, ne vel ipse per miraculum e cruce descenderet. Ve-rum Dei consilio id alio fine fiebat, quem ipsi ignorabant. Nam, ut ait S. Hieronymus, diligentia militum, & Sa-cerdotum, nobis profuit, ut major & apertior resur-gentis virtus appareat: Milites enim, & Iudei, vide-runt eum in cruce morientem; quare cum postea redi-vivus multis apparuerit, necesse est, ut fateantur, eum vi-divina a morte resurrexisse.*

Quod autem in Christi crucifixione opera Judæo-rum, qui ministri erant Pontificum, & Sacerdotum, Milites usi fuerint, non absimile videtur; tum quia credendum est, quod illi ultro se eis obtulerint, ut acriora Christo vulnera infigerent, & ignominiam in-solentius irrogarent; tum etiam, quia fortassis mili-tes parum ad hoc idonei, illos, qui peritiores ad fe-rale munus erant, requisierunt. Ministri autem Judæo-rum, fævitia in Christum exercita contenti, non aliam postularunt mercedem, sed Christi vestes omnes mili-tibus reliquerunt. Unde Cornelius, mox laudatus, ad verba illa, & sedentes servabant eum, dicebat, *quod milites cum Iudeis servabant Iesum.* In Calvario autem Principes Sacerdotum, Scribæ, & Seniores, reperi-ebantur, ex Euangeliō, qui Christum illudebant. Quid ni etiam cum illis ministri eorum essent, ut Chri-stum cruci, ex Sacerdotum desiderio, & ex militum li-centia, affigerent?

Milites autem, ut paulo ante dicebamus, non